

Digitalinngortitsinermut Aqutsisoqarfik

[sullissivik.gl](https://sullissivik.gl)-imi imarisaq pillugu  
nittarsaassissutiliornissamut ilitsersuut



[sullissivik.gl](https://sullissivik.gl)

## Imarisat

<b>Nittartagaq sullissivik.gl</b> .....	2
<b>Nittarsaassat sullissivik.gl-illu ataqatigiinnerat</b> .....	2
<b>sullissivik.gl-imi imarisanik nittarsaassinissamut najoqqutassat</b> .....	2
Nittarsaassineq sioqqullugu .....	2
Nittarsaassineq .....	2
<b>Nittarsaassinermut akisussaaffik pisortaniippoq</b> .....	3
<b>sullissivik.gl-ip nittarsaassutiliassaatai</b> .....	4
Nittarsaariaatsit nittarsaassutiliassallu assigiinngitsut suunerisa allattorsimaffiat .....	4
<b>Assimik atuinissamut piumasaqaatit</b> .....	5
Piginnittussaataaneq .....	5
Assip erseqqarissusaanut piumasaqaatit .....	5
Assimi takutinneqartut .....	5
Assini inuit .....	5
Paasissutininik tunniussisussaaneq aamma akerliliisinnaaneq .....	5
<b>Nittarsaassassami paasissutissat allannissaannut najoqqutassiaq</b> .....	6
Qulequtaa .....	6
Paasissutissat allanneri .....	6
<b>sullissivik.gl'ip nittarsaassissutiliassaanut ilitsersuut</b> .....	7
Nittarsaassassap assitaata ikkunnera .....	7
Nittarsaassassap qulequtaata ikkunnera.....	7
Nittarsaassassami paasissutissat allaqqasussat ikkunneri.....	7
Nittartaassutiliassap tusagassiummut nittartaassiffiusussamut nassiunneqarnera .....	7
<b>Ilanngussaq: Pitsaasumik nittarsaassissutiliornermut assersuut</b> .....	8

## Nittartagaq sullissivik.gl

sullissivik.gl nittartagaavoq pisortatigut ataatsimoorussa, Kalaallit Nunaanni innuttaasunut suliffeqarfiutilinnullu saaffignittoq. Digitalinngortitsinermit Aqutsisoqarfimmi Digitalikkut Kiffartuussinermik Immikkoortortaqarfiup (DIA SE) nittartagaq sullissivik.gl Kalaallit Nunaanni pisortanut atugassiaq ingerlatarivaat. Oqartussat sullissivik.gl-imi paasissutissaatiminnik nassitsisuullutillu piginnittuupput, paasissutissanilu taakkunani Kalaallit Nunaanni innuttaasut suliffeqarfiutilillu pisussaaffitik pisinnaatitaaffitillu pillugit atuarsinnaapput. sullissivik.gl-imi paasissutissat taakku taaneqartarput imarisat allatat.

## Nittarsaassat sullissivik.gl-illu ataqatigiinnerat

sullissivik.gl-imi imarisat pillugit oqartussat nittarsaassisinnaanissaannut piumasaqaataavoq, imarisanik allatanik sullissivik.gl-imiittunik oqartussat nutartereqqaassasut atuartussat kukkusumik paasissutissiiviginnginnerussammasigit. Tamanna nittartakkami aamma nittarsaassutigineqartumi paasissutissat eqqortuunerinik tatiginnisinnaanerannut tunngaviuvoq. Paasissutissat taakku imarisami allatami allaqqasut tassaapput atuartuusussat nittartakkamut iserlutik atuagassaat, nittarsaassutigilereernerisa kingorna.

Oqartussat assigiinngitsut tamarmik immikkut sullissivik.gl-imi imarisaatitik pillugit tusagassiuutini assigiinngitsuni nittarsaassisarput. Taamaattumik pingaaruteqarpoq nittarsaatigineqartut tusagassiuutini assigiinngitsuninngaaneersut atortussaniit takuneqartussat tamarmik sullissivik.gl-ip isikkua atorlugu isikkoqassasut, oqartussat nittarsaassinerminni innersuussippata sullissivik.gl-imi paasissutissat annertunerusumik atuarneqarsinnaasut. sullissivik.gl-imi imarisat pillugit nittarsaassinerit assigiiamik ilusilersornerisigit ilisarsinnaaneq annerulersittarpaa, taavalu sullissivik.gl-imi imarisaasoq imarisallu nittarsaanneqarnera ataqatigiinnerulersittarlugit.

## sullissivik.gl-imi imarisanik nittarsaassinissamut najoqqutassat

### Nittarsaassineq sioqqullugu

Oqartussat imarisaatertik sullissivik.gl-imiittoq nittarsaassutissaliunnginnerani, imarisaq nittarsaassutiginiagartik sullissivik.gl-imiittoq nutartereqqaassavaat.

### Nittarsaassineq

Oqartussat sullissivik.gl-imi imarisat allatat nutartikkat pillugit nittarsaassiniarunik, makku eqqumaffigissavaat:

- Nittarsaassassap isikkuata sullissivik.gl'ip Ilusiliinermut ilitersuutaa malissavaa
- sullissivik.gl-imi imarisaq ataaseq aallaavigineqassaaq, imarisarlu taanna imarisat allatat pillugit sullissivik.gl-ip allannermut najoqqutassai malillugit nutarterneqareersimassaaq, taamaasilluni sullissivik.gl-imi imarisaq allataq nittarsaassutigineqartorlu imminnut ataqatigiissapput
- Nittarsaassami oqaatsit kalaallisut qallunaatuullu atorneqassapput.
- Nittarsaassassaq tusagassiuutini nittartaassiffiusussatut toqqakkani kalaallisut qallunaatullu allaqqalluni ataatsikkut saqqumissapput.

## Nittarsaassinermut akisussaaffik pisortaniippoq

Oqartussat sullissivik.gl-imi imarisaatertik pillugu nittarsaassaminnut nassitsisuupput. Tamanna ima isumaqarpoq nittarsaassinerminnut oqartussat akisussaasuusut, taamaattumillu makku isumagisussaallugit:

1. sullissivik.gl-ip nittarsaassutiliassaatai atorlugit nittarsaassassap imarisaanik piareersaaneq
2. Nittarsaassassanut aningaasaliineq
3. Tusagassiummut nittarsaassiffiusussamut attaveqarneq (nittarsaassassap takutinneqarfissaanut)

### 1. sullissivik.gl-imi imarisat pillugit nittarsaassinissap piareersarneqarnera

Nittarsaassassap imarisarpari paasissutissat allaqqasut aamma asseq nittarsaassassami paasissutissat allannertaanut tulluortoq. Oqartussat nammineerlutik nittarsaassassap imarisai tamaasa piareersassavaat.

Taakku tassaapput:

- Nittarsaassassap siunertaata nassuiataa, nittarsaassassamillu atuartussat
- Nittarsaassassap oqaasertaassaata kalaallisut qallunaatullu allanneri
- Nittarsaassassap assitassaasa pissarsiarineri
- sullissivik.gl-ip Ilusiliinermit Ilitersutaa malillugu aamma nittarsaassutiliassat atorlugit

### 2. Nittarsaassassanut aningaasaliineq

Oqartussat nittarsaassassatik naqitertissagunikkit (allagartarsuit, aviisit il.il.) aningaasartuutitik tamaasa nammineq isumagissavaat, imaluunniit tv-kkut nittarsaassiniarunik, nittartakkakut nittarsaassiniarunik, assigisaatigulluunniit nittarsaassassatik saqqummersinniarunikkit. Makkununga aningaasartuutit pineqarput:

- Nittarsaassassap oqaasertaasa nutsertinneri
- Tusagassiuut nittartaassiffiususaaq nittarsaassassamik takutitsisusaaq
- Nassiussuinerit tassungalu atatillugu assartuititsinermit aningaasartuutit, aningaasartuutillu allat assersuutigalugu allagartarsuarnik nivinngaassuinermit piareersaanertaanullu aningaasartuutit, il.il.

### 3. Tusagassiummut nittarsaassiffiusussamut attaveqarneq

Oqartussat nammineq tusagassiuutininut nittarsaassiffiusussatut toqqakkaminnut assigiinngitsunut attaveqartarnerminnut atatillugu ataqatigiissaarinissartik nammineq isumagissavaat. Ataqatigiissaarineq makkununga tunngatillugu:

- Tusagassiuutini nittarsaassiffiusussani akigititanik apeqquteqarneq
- Tusagassiuutini nittarsaassiffiusussani nittarsaassassat qanoq angissuseqarnissaannut apeqquteqarneq
- Tusagassiuutini nittarsaassiffiusussani nittarsaassassap inissaqartinnissaanut inniminniineq
- Tusagassiuutini nittarsaassiffiusussani nittarsaassassap naammassereernikup nassiunera

## Siunnersuisartut: Digitalikkut Kiffartuussinermik Immikkoortortaqarfik (DIA SE)

Oqartussat sullissivik.gl-imi nammineq imarisaatiminut taavalu imminut sullinnissamut aaqqissutit pillugit nittarsaassissutiliortarnerannut atatillugu DIA SE siunnersuisartuuvoq. Nittarsaassinissamut atortussanik DIA SE piareersaanikuvoq, ukuninnga:

- sullissivik.gl-ip Ilusiliinermit Ilitersuutaa
- sullissivik.gl-ip nittarsaassutiliassaatai, ilitersuutitaa ilanngullugu

Oqartussat sullissivik.gl-imut innersuussillutik nittarsaassinerminni sullissivik.gl-ip ilusiliinermit ilitersuutaa nit isikkut allaanerit atortarnissaat, Digitalikkut Kiffartuussinermik Immikkoortortaqarfiup (DIA SE) innersuussutiginnigilaa. sullissivik.gl-imi imarisat pillugit pisortanit assigiinngitsunit innuttaasunut paasissutissiinerni isikkut assigiinngitsut atorneqaaqtaartarnerisa kingunerisarpaa tukattumik paatsiveerunnartumillu avammut saqqummiusineq. Taamaattumik DIA SE-p innersuussutigaa oqartussat sullissivik.gl-ip ilusiliinermit ilitersuutaa nittarsaassissutiliassaataalu atussagaat. Taamaasilluni assigiiaartumik erseqqarissumillu innuttaasunut paasissutissiineq qulakkeerneqassaaq, pissutigalugu innuttaasut nittarsaassissutit imminerminnut saaffiginnittut ilisarilissammasigit. Oqartussat sullissivik.gl-ip nittarsaassissutissaliai atorniarnagit aalajangerpata, Digitalikkut Kiffartuussinermik Immikkoortortaqarfik (DIA SE) akisussaatinneqarsinnaangilaq.

# sullissivik.gl-ip nittarsaassutiliassaatai

sullissivik.gl-ip nittarsaassutiliassaatai nittarsaariaatsinut assigiinngitsunut tulluarsakkat, Digitalikkut Kiffartuussinermik Immikkoortorta qarfik (DIA SE)-p suliarinikuuai. Oqartussat sullissivik.gl-imi imarisaatik pillugit nittarsaassiniarunik taakku nittarsaassutiliassat atussavaat.

Nittarsaassutiliassat tamarmik PowerPoint-ikkut suliarineqariaannaapput, nittarsaassassap ilusilersornera piareeqqareertoq, taamaasillutik oqartussat nammineq nittarsaassassamik assitaanik allannertaanillu ikkuseriaannangortillugit. Taamaasiornikkut oqartussat isumannaartuaannassavaat: nittarsaassassamik oqaasertaasa angissusaat eqqortuusut, sullissivik.gl-ip ilisarnaataa ersittoq, sullissivik.gl-illu Ilusiliinermut llitsersuutaa malinneqartoq.

Nittarsaassutiliassat ima isikkoqarput:



Nittarsaassutiliassat aalajangersimasumik ilusilinnik naqinnertaqarput. Nittarsaassutiliassat tamarmik immikkut angissusilinnik naqinnertaqarput, oqartussat allannngortissinnaangisaannik. Naqinnerit angissusaat aamma atuaruminaarsaataapput.

Nittarsaassutiliassat sullissivik.gl’ip Ilusiliinermut llitsersuutaa malillugu sanaajupput, ukulu atorlugit:

- sullissivik.gl-ip qalipaagitigitai
- sullissivik.gl-ip ilisarnaataa
- sullissivik.gl-ip naqinnernut iluserititaa

Nittarsaassutiliassat atornerisigut qularnaarneqassaaq sullissivik.gl-imi imarisaat pillugit nittarsaassuti-gineqartut tamarmik tusagassiuutini nittarsaassiffiusussani assigiimmik iluseqarnissaat, taamaalillunilu ilisarsineq, assigiiaarineq assigiissaanerlu qularnaarneqassalluni.

## Nittarsaariaatsit nittarsaassutiliassallu assigiinngitsut suunerisa allattorsimaffiat

Nittarsaassassat qanoq ittuunerat	Nittarsaassutiliassaq	Oqaatsit
Nittarsaassaq naqitaq	Nuuk Ugeavis qup. 1	2
Nittarsaassaq naqitaq	Nuuk Ugeavis qup. 1	1
Nittarsaassaq naqitaq	Sermitsiaq el. AG aviisi qup. 1	2
Nittarsaassaq naqitaq	Sermitsiaq el. AG aviisi qup. 1	1
Nittarsaassaq naqitaq	Allagartarsuaq A4-mut imal. A3-mut naqitassaq	2
Nittarsaassaq naqitaq	Allagartarsuaq A4-mut imal. A3-mut naqitassaq	1
TV-kkut nittarsaassaq	TV-kkut annonce	2
TV-kkut nittarsaassaq	TV-kkut annonce	1
Nittartakkakut nittarsaassaq	sermitsiaq.ag mobil imaluunniit allaatigisami pilerisaarutit	1
Facebook annonce		2

# Assimik atuinissamut piunasaqaatit

## Piginnittussaataaneq

Piginnittussaataaneq peqqutigalugu assit nalaatsortut Googlemit tigusat sullissivik.gl sinnerlugu atorneqassanngillat. sullissivik.gl-ip taaneqarneranut atatillugu assinut atorneqartunut tamanut tamanna atuuppoq.

## Oqartussaasup assit pigai

Pingaartuuvoq oqartussaasup tamakkiisumik assinik piginnittuunissaa, imarisanik sullissivik.gl-imiittunik nittarsaassinermut atatillugu assit taakku atorniarunigit. Tassa imaappoq oqartussaasoq pisinnaatitaaffigissavai:

1. assit sumi atussanerlugit aalajangersinnaallugu
2. assinik aaqqissuisinnaalluni, aamma formatiinut ilusaannullu allanngortissinnaallugit
3. asseq atorneqarpat assiliisup aqqa taasariaqarnagu
4. assit qasseriarlugit atussanerlugit nammineq aalajangersinnaallugu

## Assip erseqqarissusaanut piunasaqaatit

Oqartussat asseq sullissivik.gl-ip ilisarnaataanik assiliartalik naqitertinniarpagu pingaartuuvoq asseq erseqqissasoq, naqinneqaruni toorneerarpassuaqannginniassammat.

Nittarsaassitutissani assigiingitsuni assit erseqqissusissaasa minnerpaaffissaanut allattorsimaffik:

Plakat A4	2480 x 3508 pixel
Plakat A5	1240 x 1754 pixel
Plakat A3, A2, A1	3508 x 4961 pixel

## Assimi takutinneqartut

Asseq sammisamut nittarsaanneqartumut tunngassuteqassaaq. Assit nuannersunik misigilersitsissapput. Assimi takutinneqartut oqariartuummut tulluassapput.

## Assini inuit

Assit tulluartuuppat inunnik imaqarsinnaapput sammisamut pissusissamisoorpat, sammisamullu nittarsaassutigineqartussamut tungasuussallutik – ukiumikkut pisoqarnikkullu.

## Inuit assingisa atornerini akuersilluni nalunaaruteqarneq

Inuit assimi atorneqartut sullissivik.gl-imut atatillugu ussasaarutini assip atorneqarnissaanut akuersillutik nalunaaruteqassapput. Meeqqat 18 inorlugit ukiullit pineqarpata angajoqqaatut oqartussasoq allakkatigut ukiukitsup ussasaarummiinnaaneranut akuersissuteqassaaq.

## Paasissutininik tunniussisusaaneq aamma akerliliisinaaneq

Inummut assimi takutinneqartumut paasissutissanik tunniussisusaataaneq atuuppoq. Nalinginnaasumik isumagissavat inuup inuilluunniit assimiittut ilisimagaat asseq tamanut takusassiariniarit, taamaalillutik qisuariarnissaminut periarfissaqassammata, assersuutigalugu akerliliinermut. Inuup assimiittup tamanut takusassiarineqarnini naammaginngikkuniuk akerliliinissamut pisinnaatitaavoq. Taamaappat inuup nalunaarutigissava asseq sorleq peerneqassanersoq aamma suna peqqutigalugu peerneqassanersoq. Inuup inuilluunniit assimiittut assimiinnissartik kisaatiginngippassuk ingerlaannartumik asseq piissavat.

# Nittarsaassassami paasissutissat allannissaannut najoqqutassiaq

Oqartussat nittarsaassissutisamik allannertassaa allalerunikku eqqaamassavaat paasissutissaatitik innuttaasunut suliffeqarfiutilinnulluunniit paasinartunngorlugit allannissai. Oqartussat pissarsiaqarnartumik allannerminni nittarsaassiffigisat paasissutissamik pingaarutilimmik ilisimatissavaat periarfissaanillu tikkuartuullugit, taavalu imminut sullississutaatertik pillugu nittarsaavigisartik paasisariaqagaanik ilitsersuutigalugu. Oqartussat digitalikkut imminut sullinnissamut aaqqiissutaatimik atuisussanut suut iluaqutaasinnaaneri qitiutissavaat. Nittarsaassassami paasissutissat allataalluartut atuartussat soqutiginiilersittarpaat, allataalluartullu toqqaannartumik saaffiginnillutik allataasarlutik. Oqaatsit pisariaqanngitsut ulikkaarutaannaat oqartussat nittarsaassaminni atornaveersaassavaat, aammattaaq nammineq isumaq aallaavigalugu oqaatsit sunniiniutertallit oqaaseqatigiillu takisuut.

## Allannissamut najoqqutassaq:

- Innuttaasumut paasinartumik toqqaannartumik oqaluttutuulli allagit
- Piviusorsiorlumut kinaassusersiunngitsumik tunngavilersuillutik allagit
- sullissivik.gl-imi allaqqasut aallaagivalugit allagit
- Oqaaseqatigiit naatsunik paasiuminartunik allagit
- Oqaatsit ulikkaarutaannaat pisariaqanngitsut ilaatinngagit
- Oqaaseqatigiit atuaruminarsarlugit immikkoortulersuigit
- Sulianut tunngatillugu immikkut oqaatsinik paasiuminaatsumik atuinak
- Atuartussamut saaffiginnillutik toqqaannartumik allagit
- Paasissutissaq kalaallisut qallunaatullu assigiimmik allassavat

## Qulequtaa

Nittarsaassassap qulequtaa inissinniarlugu, oqartussat una apeqqut akissavaat: Innuttaasup suliffeqarfiutililluunniit nittarsaassaq sutigut pissarsiaqaatigissavaa? Innuttaasoq suliffeqarfiutililluunniit susinnaasoruna/susussaasoruna? Apeqqutip akissutaa apeqqutinngorlugu nittarsaassamut qulequttatut atornerqassaaq.

Qulequtaritinneqartup ersersissavaa nittarsaassassaq sumut tunnganersoq, taamaaliornikkut atuartussap erngerluni paasissavaa suna pineqarnersoq. Qulequtaa nittarsaassassap assitaanut paasissutissallu allaqqaneritut naapertuutissaaq.

Assersuutit:

- Najugaqarnermut uppersaarsaat aarusuppiuk?
- Piniarnermut allagartavit akilernissaa eqqaamaviuk?
- GUX-imut qinnuterusuppit?

## Paasissutissat allanneri

Nittarsaassassap allannertaa inissinniarlugit, apeqqutit ataani allassimasut oqartussat akisimassavaat: Innuttaasoq suliffeqarfiutililluunniit qanoruna iliorsinnaasoq aamma (toqqagassat) periarfissat suuppat? Apeqqutip akissutaa nittarsaassassami paasissutissat allanneritut atornerqassaaq, tassanilu atuartussat pisinnaatitaaffii pisussaaffiiluunniit pillugit naatsumik paasissutissiinertaqassaaq, qulequttami ersersinneqartoq aallaavigalugu.

Paasissutissat nittarsaassamiittussat:

- ✓ Naatsumik erseqqissumillu allataassapput
- ✓ Innuttaasut pisinnaatitaaffii pisussaaffiilu salliutinneqassapput
- ✓ Iliuuseqarnissamut aalajangersimasumut kajumissaarissapput
- ✓ Imminut sullinnissamut aaqqiissutip massakkorpiaq atornerqarsinnaasup iluaqutissartaanik ilisimatitsissuteqartassapput

# sullissivik.gl-ip nittarsaassissutiliassaanut ilitsersuut

Assimik, qulequttamik aamma nittarsaassassami paasissutissat allannertaanut qanoq oqartussat ikkussinissaat ilitsersuummi alloriarnikkaartumik nassuiarneqarput. Oqartussat nittarsaassutiliassaq ima immersussavaat:

## Nittarsaassassap assitaata ikkunnera

1. Nittarsaassassap assitassaa toqqarneqassaaq sullissivik.gl-ip Ilusiliinermut Ilitsersuutaani piumasaqaatit allassimasut malillugit.
2. Aallaqqaammut asseq 'Delete' toorlugu peeruk.
3. Qulaaniittoq "Indsæt" tooruk, nuisuniittunilu "Billede" toorlugu.



**Malugiuk:** Nittarsaassutiliassamiittoq assip nalaatigut qarasaasiavit muusiata talerpiata toornerani nuisartog 'skift billede' atussanngilat, pissutigalugu assip pitsaassusaa ajortissinnaammagu.

4. Asseq nittarsaassassami assitassaritikkumasaq mappemi naneriarlugu toqqaruk aamma "Åbn"/"Indsæt"-ilu toorlugu.
5. Asseq massakkut nittarsaassutiliassami paasissutissat allaqqasussat saavaniilerput, assip ikkusimamera angissusaalu muusi atorlugu naleqqussaruk.
6. Asseq talerpillermik tooruk toqqarlugulu 'Placer bagerst'.


## Nittarsaassassap qulequtaata ikkunnera

Nittarsaassassap qulequtaata nittarsaassutiliassami inissiffissaatut allassimasumut ikkunneqassaaq.

## Nittarsaassassami paasissutissat allaqqasussat ikkunneri

Nittarsaassassami allaqqasussaq nittarsaassutiliassami inissiffissaatut allassimasumut inissinneqassaaq.

Nittarsaassassami allaqqasussaq piareeqqasoq nittarsaassutiliassami ikkutereeruni, "Juster" assimi ataani takutinneqartoq toorlugu naleqqussarneqassaaq:



Taamaasiornikkut nittarsaassassami allaqqasut saamimmuut talerpimmullu killinga naligiilissapput.

## Nittarsaassutiliassap tusagassiummut nittartaassiffiusussamut nassiunneqarnera

Oqartussat nammineerlutik filimut eqqortumut toqqorsissapput tusagassiummullu nittarsaassiffiusussatut toqqakkaminnut nassiullugu.

1. Ersertup qulaani "Filer" tooruk toqqarlugulu "Gem som"
2. "Gem som" ammarpat allaffissami "Filnavn"-imi nittarsaassassap qulequtaata allaguk nittarsaassassarlu sumi saqqummissanersoq allallugu
3. "Filtype"-mi tusagassiuutit nittarsaassiffiusussap filtype (PNG, il.il.)piumasaa toqqassavat taavalu "Gem" toorlugu.
4. Qarasaasianni toqqorsivissat toqqaruk tassungalu toqqorlugu
5. Nittarsaassassaq toqqugaq mailikkut tusagassiummut nittarsaassiffiusussamut nassiuguk.

Mailinni taasinnaavatit:

- Nittarsaassassaq qanoq formateqarnerasoq/angissuseqarnerasoq, assersuutigalugu "1 sides..."
- Nittarsaassassaq qanoq sivisutigisumik saqqummissanersoq, saqqummiunneqarfissai ullulerlugit



# **Ilanngussa:q: Pitsaasumik nittarsaassissutiliornermut assersuut**

## **Nittarsaassinermi siunertarisap inissinneqarnera isumatsialaavoq**

Pitsaasumik nittarsaassissutiliornermut assersuutit siullersaraat, oqartussat nittarsaassassaminut siunertarisartik inissereersimagaangassuk, makku erseqqissarnerisigut:

- sullissivik.gl-imi imarisaq sorleq (ataaseq) nittarsaanneqassava?
- Paasissutissat pingaarnerpaat suut innuttaasunut takutinneqassappat?
- Nittarsaanneqartumi tassanerpiaq suut innuttaasunut iluaqutaasinnaappat?

Innuttaasut paasitinneqassapput sullissivik.gl-imi imarisaq allataq nutartigaq oqartussat pigisaat, nittarsaassami innersuussutigineqartoq nittartakkami sullissivik.gl-imi atuarsinnaagaat. Paasissutissat pingaarnerpaat nittarsaassutigineqartumi naatsumik eqqaaneqassapput, taamaaliornikkut nittarsaassutigineqartup siunertaa nunatsinni innuttaasunut ingerlaannaq paasineqassaaq. Innuttaasup sullissivik.gl-imi paasissutissat itinerusumik paasisaqarfigisinnaavai. Taamaallitutik oqartussat digitalikkut immersugassaaticinnut innuttaasunit ator-neqarlualernissaat iluaqutigivaat.

## **Nittarsaaviginiakkat kikkuunerisa inississimanerat iluaqutaasarpog**

Pitsaasumik nittarsaassissutiliornermut assersuutit tulleraat, oqartussat nittarsaassinerminni atuartussat aalajangersimasut angorusutatik paasereersimagaangasigit. Oqartussat nittarsaassinertik atuartussaminut tusagassiutini nittarsaassiffiusussani aalajangersimasuni atuartussanit taakkunannga atorneqarajuttunut naleqqussarpaat. Assersuutigalugu innuttaasup aalajangersimasunik ukiullip, oqartussat digitalikkut imminut sullinnissamut neqeroorutaa atornagu, sungiusimasinnaavaa pappiaraq immersugassaq assaannarmik immersoriigaq allakkatigit nassitussallugu. Oqartussat nittarsaassinerminni innuttaasunut taakkununnga digitalikkut imminut sullinnerup atornissaata periarfissaanera paasitissutigivaat. Oqartussat tusagassiut nittarsaassiffiususaaq innuttaasunit taakkunannga atorneqarajuttartoq toqqassavaat.

## **Nittarsaassassap imarisaata pitsaassusaa qularnaarneqarneri pingaartuuvoq**

### **Nittarsaassassami assinik atugassat**

Pitsaasumik nittarsaassissutiliornermut assersuutit pingajoraat, nittarsaassutigineqartumi assitaata nittarsaanneqartup sumut tunnganera ersersikkaangagu, nittarsaassassallu assiliartassaa paasissutissartassaanut tulluaraangat. Nittarsaassinermi asseq malugineqaaqqaartarpoq. Nittarsaassat assitaannut inuit ulluinnarni nittarsaassanik arlalinnik takusarput, taamaattumik nittarsaassamut tassungarpiaq attuumassutilimmik assimik immikkuullarissumik inuit takusassissallugit isumatsialaavoq. Nittarsaassutigineqartumut tassungarpiaq assiliartaliussaq tusagassiutini nittarsaassiffiusussani assigiinngitsuni atorneqarsinnaavoq.

### **Nittarsaassami paasissutissat allanneqarneri**

Pitsaasumik nittarsaassissutiliornermut assersuutit sisamaraat, oqartussat nittarsaassassami paasissutissat kalaallisut qallunaatullu naatsumik ersarissumillu atuartussatik eqqarsaatigalugit allassimagaangasigit. Nittarsaassassami paasissutissat kukkunersiorneqareernikuugamik kukkuneqanngillat.

Nittarsaassassap assitassaa paasissutissallu allaqqasussat ataatsimut tassaapput nittarsaassassap imarissaa, taakkulu eqqarsaatigilluagaallutillu pitsaassusai qulakkeerneqareerput.

## **Nittarsaassutigineqartussap ikkussuunnera pisariitsoq**

Pitsaasumik nittarsaassissutiliornermut assersuutit tallimaat naggataallu tassaavoq, sullissivik.gl-ip nittarsaassissutiliassaataat oqartussanit atorneqarnerat.

Nittarsaassissutiliassat atoruminarmata ilitsersuullu paasinarluni, oqartussat nittarsaassissutigisassamik allannertassaa assitassaa namminneq ikkussinnaavaa. Ikkussassat tamarmik ikkussuutereerpata tusagassiutini nittarsaassiffiusussanut nassiuateriaannangussaaq.